



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-158-8/26**

Datum: **09.06.2026. godine**

„Agencija za vodno područje rijeke Save“ Sarajevo, rješavajući po zahtjevu Općine Olovo za donošenje rješenja o prethodnoj vodnoj saglasnosti za aktivnost – izgradnju mosta preko rijeke Krivaje u mjesnoj zajednici Careva Ćuprija, a u postupku pribavljanja urbanističke saglasnosti, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Općini Olovo daje se prethodna vodna saglasnost za aktivnost – izgradnju mosta preko rijeke Krivaje u mjesnoj zajednici Careva Ćuprija, lokacija „Garež“, na dijelu zemljišta označenog kao k.č. broj: 1700/1, 3091/2 K.O. Careva Ćuprija I te k.č. broj: 2808, 2794 K.O. Careva Ćuprija II, na području općine Olovo, a u postupku pribavljanja urbanističke saglasnosti za izgradnju predmetnog mosta.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na izgradnji mosta preko rijeke Krivaje u mjesnoj zajednici Careva Ćuprija, općina Olovo. Tehnička dokumentacija treba biti urađena i revidovana od strane pravnih lica koja imaju ovlaštenja (lista „A“) pribavljena od strane Federalnog ministarstva poljoprivrede, vodoprivrede i šumarstva, kojom treba obraditi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).
 - 2.2. Sa vodoprivrednog aspekta kota donje ivice konstrukcije mosta, u polju i na osloncima, treba da bude viša za minimalno 80 cm uključujući i proračunati uspor u odnosu na kotu velike vode rijeke Krivaje ranga pojave 1/100 godina.
 - 2.3. Obalni upornjaci mosta u odnosu na prirodni poprečni profil korita rijeke Krivaje trebaju imati takav položaj da ne smanjuju širinu proticajnog profila korita.
 - 2.4. Sastavni dio investiciono - tehničke dokumentacije za izgradnju mosta treba biti: Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta te utvrditi vučne napone u koritu, vodeći računa o tome da su obale rijeke Krivaje na predmetnom lokalitetu u prirodnom stanju. Za slučaj ako su vučni naponi veći od dozvoljenih, planirati oblaganje kosina korita u zoni upornjaka mosta, u cilju zaštite od erozije.
 - 2.5. U projektnoj dokumentaciji dati tehničko rješenje sistema za prikupljanje i ispuštanje oborinskih voda sa konstrukcije mosta u recipijent, definisati mjesto ispuštanja oborinskih voda u recipijent i prikazati detalj ispusta.
 - 2.6. Projektnom dokumentacijom definisati organizaciju i tehnologiju izvođenja radova na izgradnji novog mosta preko rijeke Krivaje i radova u obalnom pojasu, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom području rijeke Krivaje, do uništavanja uređenih obala, do podlokovanja temelja stubova kao i negativnih uticaja na druge korisnike voda (vodosnabdijevanje, ribari i sl.).

- 2.7. Predmjerom radova predvidjeti i radove na uklanjanju pomoćnih objekata i radove na čišćenju i uređenju korita i obala po završetku izgradnje mosta, uređenje korita rijeke Krivaje u zoni obalnih upornjaka mosta, odvodnju oborinskih voda i dr.
 - 2.8. Pri izradi projektne dokumentacije pažnju posvetiti položaju postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
 - 2.9. Projektom dokumentacijom treba, u skladu sa zakonskim propisima, definisati način privremenog i konačnog zbrinjavanja otpada koji će nastati u toku izgradnje novog mosta i uređenja obala i vodotoka.
 - 2.10. Otpad koji će nastati u toku izvođenja planiranih radova se ne smije ni privremeno odlagati na čestici „vodno dobro“, odnosno unositi u vodotok i na njegove obale.
 - 2.11. Pri izradi tehničke dokumentacije pridržavati se pravila struke i nauke, te zakonske regulative vezane za ovu vrstu radova, kao i ekološko-ekonomskih zahtjeva.
-
3. Ovu prethodnu vodnu saglasnost Investitor će koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
 4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 5. Zahtjev za izdavanje vodne saglasnosti dostavlja se u skladu sa članom 8. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22). Uz zahtjev se prilaže:
 - 5.1. Revidovana investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja,
 - 5.2. Rješenje o urbanističkoj saglasnosti za izgradnju predmetnog mosta,
 - 5.3. Dokaz o izvršenoj uplati upravne takse u iznosu od 60 KM.
 6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
 7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti koje mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 8. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1, 2, 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Dana 17.04.2026. Općina Olovo obratila se ovoj Agenciji zahtjevom za donošenje Rješenja o prethodnoj vodnoj saglasnosti za aktivnost – izgradnju mosta preko rijeke Krivaje u mjesnoj zajednici Careva Ćuprija, lokacija „Garež“, na dijelu zemljišta označenog kao k.č. broj: 1700/1, 3091/2 K.O. Careva Ćuprija I, te k.č. broj: 2808, 2794 K.O. Careva Ćuprija II općina Olovo, a u postupku pribavljanja urbanističke saglasnosti za izgradnju predmetnog mosta.

Uvidom u dostavljeni zahtjev i priloženu dokumentaciju, zaključeno je da je zahtjev nepotpun. Dana 23.04.2026. godine investitoru je upućen zahtjev za dopunu dokumentacije. Investitor je izvršio dopunu dokumentacije 11.05.2026. godine.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu javnost je dana

14.05.2026. godine obaviještena putem obavještenja na oglasnoj ploči „Agencije za vodno područje rijeke Save“, te u dnevnom glasilu „OSLOBOĐENJE“. U datim rokovima nije bilo pisanih izjašnjenja o predloženim aktivnostima iz zahtjeva.

U provedenom postupku dostavljena je i pregledana sljedeća dokumentacija:

- Kopije katastarskog plana za predmetne parcele izdatog dana 02.04.2026. godine od strane Službe za ekonomske poslove općine Olovo,
- Kopije zemljišnoknjižnih izvadaka za predmetne parcele, Općinski sud Visoko – Zemljišnoknjižni ured 27.01.2026. godine,
- Ovjerena kopija Uvjerenja o poreznoj registraciji izdata od Porezne uprave FBiH – Kantonalni ured Zenica od 18.02.2003. godine,
- Ovjerena kopija Obavještenja o razvrstavanju pravnog lica prema klasifikaciji djelatnosti, izdata od strane Federalnog zavoda za statistiku – Služba za statistiku za područje Zeničko-dobojskog kantona, broj: 07-32.5-8709/21 od 15.06.2021. godine,
- Uvjerenje o usaglašenosti namjene objekta sa prostorno-planskom dokumentacijom broj: 04-19-1-914-3/26 izdato od strane Općine Olovo – Služba za ekonomske poslove, dana 27.04.2026. godine,
- Studija za izdavanje prethodne vodne saglasnosti za izgradnju mosta na rijeci Krivaji, urađena od strane „TEAM HIDRO“ d.o.o. Sarajevo, februar 2025. godine,
- Kopija Idejnog rješenja mosta Olovo, urađeno od strane „DRAFT“ d.o.o. Sarajevo, mart 2026. godine,
- Dokaz o uplaćenju upravnoj taksi.

Nakon izvršenog uvida u naknadno dostavljeni zahtjev sa priloženom dokumentacijom utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku nastavio postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je:

Planirana je izgradnja mosta preko rijeke Krivaje u mjesnoj zajednici Careva Čuprija, lokacija „Garež“. Most povezuje naselje Careva Čuprija sa lokalnim mezarjem, kao i sa brojnim šumskim putevima u blizini.

Uvidom u priloženu dokumentaciju „Studija za izdavanje prethodne vodne saglasnosti za izgradnju mosta na rijeci Krivaji“, kao i u „Idejno rješenje mosta Olovo“, zaključuje se da raspoloživa visina između kote velike vode povratnog perioda 1/100 godina i donje ivice mosta mora biti minimalno 80 cm. Navedena visina treba biti ispoštovana kroz izradu glavnog projekta mosta.

Konstrukcija mosta je planirana kao spregnuta konstrukcija čelik-beton, koja će se temeljiti na dva upornjaka kao i dva stuba u koritu rijeke. Ukupna širina mosta sa kolovozom, pješačkim stazama i ogradom je 4,06 m, dok je ukupna projektovana dužina zajedno sa upornjacima 43,70 m.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu navedenog i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira iznosom od 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Rezo, dipl.inž.građ.

Dostaviti:

- Općina Olovo – Služba za ekonomske poslove,
ul. Branilaca grada bb, 71 340 Olovo
- ☐ AVP Sava, ISV - vodna knjiga
- Sektor 40 - arhiva
- Oglasna ploča - AVP Sava